

UTHM proaktif isu pemanasan global

Batu Pahat: Universiti Tun Hussein Onn Malaysia (UTHM) komited menyokong usaha kerajaan dalam memantau dan mengurangkan kadar penghasilan gas rumah hijau negara seperti diwartakan Perdana Menteri Datuk Seri Najib Razak.

Komitmen dan sokongan dibuktikan dengan pembabitan UTHM melalui Pusat Kajian Tenaga dan Persekitaran Industri (CEIES) dalam Program 'MYCarbon Pilot Reporting' anjuran Kementerian Sumber Asli dan Alam Sekitar (NRE) dengan kerjasama Program Pembangunan Pertubuhan Bangsa-Bangsa Bersatu (UNDP) Malaysia yang bermula awal tahun ini.

Ketua Pusat Kajian Tenaga dan Persekitaran Industri (CEIES) Dr Mas Fawzi Mohd

Ali berkata, penyertaan itu membuktikan penyelidik di UTHM sentiasa proaktif dan komited terhadap usaha dalam menangani isu pemanasan global.

Menurutnya, pembabitan itu juga adalah kesinambungan aktiviti penyelidikan yang giat berlangsung di UTHM khususnya di CEIES.

"CEIES memfokuskan kajian sumber tenaga boleh diperbaharui, kajian kecekapan penggunaan tenaga, kajian pembakaran bahan api dan penghasilan produk berteknologi hijau," katanya.

Sementara itu, Dekan Fakulti Kejuruteraan Mekanikal dan Pembuatan (FKMP) UTHM Prof Madya Dr Yusri Yusof berkata, dia berharap pembabitan UTHM akan meningkatkan keprihatinan warga kampus dalam isu pemanasan global.

FAKTA

CEIES fokus kajian sumber tenaga boleh diperbaharui